

# Lingua dari

Na Galipedia, a Wikipedia en galego.

O **dari**<sup>[1]</sup> (en *dari* **دري**, pronunciado /dæˈri/) é unha variedade estrutural do persa establecida como lingua oficial coa súa propia norma en Afganistán xunto co paxto.

Índice

Orixe

Fonética

O sistema vocálico

Notas

Véxase tamén

Ligazóns externas

## Orixe

A orixe do nome está na diferenciación entra a lingua persa que falaban as tribos persas e as tribos partas e bactrianas do norte de Irán que a partir do século VII adoptaron o persa pero mantendo un importante substrato parto. A marcha da corte sasánida de Fars para Ctesiphon fixo que a variedade do norte fora a lingua falada na corte, que se empezou a chamar *dari* (corte en persa) para distinguila da lingua de Fars (farsi)<sup>[2]</sup> pero a lingua escrita seguiu a ser o persa medio ata a súa substitución polo árabe no 742 e así os exércitos que levaron o islam máis alá do Amu Daria utilizaban como lingua franca esta variedade do persa e foi a que parte da poboación orixinaria do que actualmente é Afganistán acabou adoptando como lingua de uso común.

Tamén é coñecido coma *persa dari* (en *dari* **فارسی دری**, pronunciado /fɑːɾsiː dæˈri/) ou *persa afgano* e por causa do seu illamento conta con menos influencia do árabe . É a principal lingua do país, falada polo 60% da poboación (se xuntamos o aimaq, o hazaraguí e o propio dari) principalmente no sur e centro do país, e preto de Kabul. É a principal lingua de comunicación dos pobos taxico, hazara e aimaq. A lingua serve á súa vez coma medio de comunicación entre diferentes pobos do Afganistán.

	<div><div><div><div><div><span></span></div></div><div><div><span></span></div></div></div><div><div><div><span></span></div></div><div><div><span></span></div></div></div><div><div><div><span></span></div></div><div><div><span></span></div></div></div></div></div> <div><div>Dari</div><div><b>دري</b></div></div>
Pronuncia:	/dæˈri/
Outros nomes:	Dari persa, Persa afgano
Falado en:	<u>Afganistán</u>
Rexións:	Do sueste ao nordeste do Afganistán
Total de falantes:	8 000 000 (con tódalas variedades)
Familia:	<u>Indoeuropea</u> <div><u>Irania</u><div><u>occidentais</u><div><u>occidentais meridionais</u><div><u>Rama persa</u><div><b>Dari</b></div></div></div></div></div>
Escrita:	Escrita perso-arábica
	<b>Estatuto oficial</b>
Lingua oficial de:	Si
Regulado por:	Academia das Ciencias de Afganistán
	<b>Códigos de lingua</b>
ISO 639-1:	-
ISO 639-2:	-
ISO 639-3:	<u>prs</u> ( <u>http://www.sil.org/iso639-3/documentation.asp?id=prs</u> )
SIL:	prs
.	.

A sintaxe do dari non define moito da do persa, aínda que o acento forte sexa menos expresivo no persa afgán do que no persa iraniano. Moitos lingüistas (incluídos lingüistas iranianos) consideran o dari como unha lingua ou un dialecto á parte; eles considérano a lingua escrita e chaman persa ou, mellor dito, persa afgano á lingua falada. Hoxe en día é a Academia Afgá das Ciencias a encargada da fixación do *dari*.

O dari conta con varios dialectos: o heratí, o parsiwan, o khorasaní, o aimaq, o harzaraguí, o taxiquí e o cabolí que é o dialecto de prestixio. A principal diferenza do aimaq e o hazaraguí é que contan con moito vocabulario das linguas túrquicas e mongois, e o cabolí e o taxiquí están moitísimo máis próximos ao taxico que ao dari.

## Fonética

---

### O sistema vocálico

O dari consta de 8 vogais, das que 5 son longas /ī ē ū ō ā/ e estables 3 son curtas /a e o/ e inestables.

Transcrición IFA			Transcrición latina		
	<u>Anterior</u>	<u>Posterior</u>		<u>Anterior</u>	<u>Posterior</u>
<u>Pechada</u>	i	u	<u>Pechada</u>	ī	ū
<u>Semipechada</u>	ɪ	ʊ	<u>Semipechada</u>	e	o
<u>Medio aberta</u>	ɛ	ɔ	<u>Medio aberta</u>	ē	ō
<u>aberta</u>	a	ɒ	<u>aberta</u>	a	ā

O vocalismo literario é bastante conservador en comparación co persa e taxico e é máis próximo ao taxico (aínda que nos dialectos o vocalismo pode ser máis simplificado).

Na táboa seguinte amósase o desenvolvemento do vocalismo entre as linguas de orixe pérsida:

Persa clásico	ā	a	ē	i	ī	ō	u	ū
Persa moderno	ā	a	ī	e	ī	ū	o	ū
Dari	ā	a	ē	e	i	ō	o	u
Hazaraguí	o	a	e	i	i	ū	u	u
Taxico	o	a	e	i	i	ū	u	u

Obsérvese como a medida que avanzamos cara o norte o vocalismo vaise parecendo ao taxico mentres que cara ao sur parécese máis ao persa.

## Notas

---

- Definición de dari (<https://digalego.xunta.gal/gl/termo/19558>) no *Dicionario de Galego* (<https://digalego.xunta.gal/gl/caracteristicas>) de Ir Indo e a Xunta de Galicia.
- Frye, Richard N. "History of the Persian Language in the East (Central Asia)" (PDF). Consultado o 8 de setembro de 2013.

## Véxase tamén

---

## Ligazóns externas

- [Alfabeto Dari\(www.afghan-web.com\) \(http://www.afghan-web.com/language/dari.html\)](http://www.afghan-web.com/language/dari.html)
- 

Traído desde "[https://gl.wikipedia.org/w/index.php?title=Lingua\\_dari&oldid=5222202](https://gl.wikipedia.org/w/index.php?title=Lingua_dari&oldid=5222202)"

---

**A última edición desta páxina foi o 13 de agosto de 2019 ás 05:51.**

Todo o texto está dispoñible baixo a [licenza Creative Commons recoñecemento compartir igual 3.0](#); pódense aplicar termos adicionais. Consulte os [termos de uso](#) para obter máis información.

Wikipedia® é unha marca rexistrada da [Wikimedia Foundation, Inc.](#), unha organización sen fins lucrativos.